

慈壽堂文鈔

一

慈壽堂文鈔

PDG

吳興劉氏
嘉業堂刊

吾弟少年績學于詩古文靡不究心平日意有所及輒
斐然有作不自信輒皮置之閒出一二雖老生宿儒無
不斂伏者往年老友柯石菴消夏吾里見弟所業嗟賞
不已贈詩有發揮著作手縱橫翰墨林及當代誰扶大
雅輪偶從吟社得相親之句蓋獎借爲已至矣敷文書
院長楊先生文叔亦亟稱之顧二君所知者文耳余有
取于吾弟者更自有在第三歲未期失吾叔父留耕翁
善事其母陳節孝且善成母德節孝所撫從子嗣本生
翁後者曰希正與同炊三十餘年無閒言里人皆忘其
非同產者往者葬其父留耕翁往來南北山觸熱著草
履日行數十里閒遇雷雨則跣足顛顛巖谷閒囊無一

錢卒以善葬不特此節孝祖父母父母及弟不葬者三世矣無後纍纍六七棺暴露敗宅弟爲擇吉土于父墓近壤告于其所親均力葬之歲時則上冢拜奠其孝思所及如此節孝嘗患對口疽甲寅秋幾不起弟稽顙北辰願減年益母得奇應以愈又有授弟以方者曰一服卽愈然愈後勿閒也已而果然弟神其言弗敢閒方內用人葠弟百計購之余所服于弟者正在此類雖然弟之文非不工也特爲行所掩耳茲覩其所作節孝諸傳予大懼世之人不省吾弟爲人或并其所傳人而亦疑之遂書此弁其端將以明其言之可信也兄樹本

慈壽堂文鈔目錄

歸安沈樹德畏齋

卷一

賦

五臺山賦

太湖賦

吳羌山賦

六客堂賦

卷二

序

乞題貞松慈竹圖序

贈王德園少府序

贈太倉金生廷選序

亭皋詩集序

送馮大備五歸錢唐序

送汪高士巢林先生歸揚州詩序

說

廣仁說三篇

廣敬說三篇

答或問謙豫二卦說二篇

卷三

書

上制府宗室德公書

上少宗伯宗室德公書

與友人勸學書

與朱生宿東書

與徐主錦江書

考

雩考

大瓦硯考

卷四

辨

河圖洛書異同辨

孔氏三世出妻辨

記

南池唐杜文貞公祠堂記

擬重修胡安定先生祠堂記

長興縣子山先蠶祠碑記

竹墩村記

得宋研記

卷五

傳

湯壽民傳

吳江沈孝子傳

吳孝廉傳

羅孝子傳

汪柯庭先生傳

慎隱翁傳

朱太學西谿傳

范太學傳

三董君傳

卷六

潘節孝錢孺人傳

張烈女傳

李節婦傳

賀節婦傳

須節婦傳

錢氏二節婦傳

查門二烈婦傳

鄭氏九節婦傳

張烈婦傳

沈烈女傳

賢孝嚴孺人傳

顧孝女傳

亡室朱孺人小傳

卷七

紀略

沈氏六子孝行紀略

節婦胡氏甥女紀略

行述

先貞孝先生行狀

先妣旌表節孝陳太君行述

祭文

祭太保嵇文敏公文

卷八

雜著

賦役

諸儒

經學

守令

積貯

錢法

擬乞免程安德三縣山地蕩辦賦田升科狀

跋洪文惠公盤洲集後

慈壽堂文鈔目錄

慈壽堂文鈔卷一

吳興一

清涼山賦

卽五臺山

天開神境地聳覺場曾無炎暑厥號清涼山可登臨四
眺數如龍馬中央神工不假經營巋然靈臺在霄法相
于茲示現宛乎五髻相望峻嶺森森如列岳之攢形而
吐秀崇巒歷歷若緯星之倒影而含芒六月凝冰紺宇
寒如蛟室千年積雪梵宮爛若銀房乃般若慈航之地
爲曼殊室利之鄉粵夫坤輿九壤大有神區震旦十洲
首崇京國皇居壯麗屏藩端藉雄關帝闕巍峩拱
衛尤資聖域百靈呵護渡江非僅達摩千佛皈依同龕
豈惟彌勒試舉其端略言其族白衣顯異千普陀玄武

效靈于太嶽九華則金地藏得道所栖三門則李老君
煉丹曾宿或海外遙承或寰中遠矗或如翼高張或如
筆近卓皆福地與洞天竝奇鍾而秀毓矧茲山右隣恆
岳岡巒鬱其嵯峨左接滌池襟帶紆其往復後臨朔塞
勢作干城前拱神京雄增輦轂爾其爲狀也突聳五
臺儼臨五聖象大士五智已圓狀仁者五眼已淨祕函
五部之眞源徹五陰之性東西南北中位列五方金木
水火土德符五勝楞伽五種妙法性與色空牟尼五顆
明珠色隨方定若乃脉絡起中臺迴峰周四面羣巒蜿
若龍游列岫聯如魚貫卓爾大居正以出羣冲然色尙
黃而爲冠天光倒映覆以青幃日影平臨張如赤繖驚

鳥引腹以展翎蓮華自心而敷瓣此則中臺之勝也爾
其瞻金母拜木公迎朱昊望玄穹或自南而自北各一
西而一東圓日陀陀以耀海白月皎皎而舒空忍草長
新遙接扶桑之樹覺花不染長依丹桂之宮窟曰那羅
東越谿囀其竊窬水名功德西羌沆瀣而沖融泉湧馬
跑東珠跳兮濺濺汨汨洞開龍現西雲護兮溟溟濛濛
現聖臺邊東神藹藹而晻曖祕魔巖下西心惇惇而怔

忡維南則寫居丁位而北則上薄斗杓呼祝融其與語

揖玄冥而相招或若盂而覆地或如蓋而干霄錦繡峰

前南霞彩爭飛兮爛爛金剛窟裏北清塵歛起兮影影

石罅逢龜而神皋最巖南雲根見兔而黑嶽逍遙北山

也何慙彳亍不脛而徑走僧兮何聖茶毘無火以飛爇
此則四臺之勝也若夫溪澗之濱巖谷之際琪草鮮妍
瓊葩美麗玉仙之朵何奇金蓮之花尤異菩薩之線自
長羅漢之囊偏媚他若神藥舒芳靈芝獻瑞啖之而宿
命頓通餌之則凡胎頓棄瞽瞍何草不見山經雞足何
花不詳地志青精赤芍絕異凡材蒼朮黃連亦殊列肆
洵眞人之輿府別有洞天固諸佛之清都迥非塵世迺
臨師利特住文殊慈雲瀾漫花雨霑濡廓法界以爲宇
度眾生而爲徒將五百應眞跨俊猊而游戲統一萬眷
屬御龍象而跏趺于是聖迹垂靈蹤歷渡到木杯飛來
杖錫池爲洗鉢猶認香湯谷是藏眞知爲靈宅尋二聖

對談之石石尙崢嶸問九仙同濯之泉泉猶淙瀾眞容
現而竟體光明神臂垂而全身烜赫從二女一犬髮施
貧女堪矜說苦瓠甜瓜肉眼凡師誰識日華雲爛兮仙
人出而身金猛雨罡風兮童子騰而形黑神通一任往
來變幻何啻千百更有神鐙亦增奇景雲霞五色郁郁
紛紛樓閣千重齊齊整整旌幢寶蓋儼列森羅龍象金
獅顯形現影或七八尊者以嬉遊降升或左右天王而
追隨馳騁常于紺碧輪中異彩宵施亦從爛銀圈裏榮
光夜炳裝就琉璃世界無非玉海珠山疑垂星斗光芒
直欲捫參厯井洵佛力之難量眞神功之莫省豈不可
以壯帝京之赫奕而奠皇圖之久永乎乃爲歌曰